

毛

詩

原

解

毛詩原解卷二十二

谷風之什

谷風至信南山凡十篇

習習谷風維風及雨將恐將懼維予與女汝將安將樂

女轉棄予

與叶

○習習谷風維風及頽將恐將懼寘至予

于懷叶將安將樂棄予如遺叶○習習谷風維山崔嵬

叶無草不死無木不萎

位

忘我大德思我小怨

月叶

古序曰谷風刺幽王也毛公曰天下俗薄朋友道絕

焉○朱子改爲朋友相怨之詩非也谷風東風東爲

君方風自君始也習之言俗也風雨無常比朋友道

垂衛風刺夫婦意與此同文武道隆伐木求友幽王
失德谷風刺薄所以屬雅雅政也獻納之義如謂民
間朋友相怨而作則當屬風邦國爲風王朝爲雅○
一東風習習不斷久之風必至于雨習薄成俗猶是
也維予與汝昔在艱難同心共濟今處安樂遂轉棄
予人情何異于風雨乎○一谷風頽然自上而下習
俗薄惡所自來也恐懼之辭置予于懷安樂之日棄
予如遺其爲頽風不可振矣○一習習谷風當山高
崔嵬則風之所撼益疾矣故無不死之草無不萎之
木上之率下亦猶是也今風俗頽敗朋友道絕忘弘

濟之大德思睚眦之小怨天下皆是也○頽焚輪風也焚輪謂之頽風自上而下也扶搖謂之焱風自下而上也寘置也

谷風三章章六句○按小雅短章疊詠如此篇之類猶是風體大雅皆莊嚴大篇是以有小大雅之別

蓼蓼六者我匪我伊我蒿哀哀父母生我勞瘁○餅之罄矣維蠹我匪我伊我蔚長哀哀父母生我勞瘁○餅之罄矣維蠹之恥鮮民之生不如死之久叶矣無父何怙無母何恃出則銜恤入則靡美至○父兮生我母兮鞠我拊我畜旭我長我育我顧我復我出入腹我欲報之德昊天罔

極○南山烈烈飄風發發民莫不穀我獨何害易○南山律律飄風弗弗民莫不穀我獨不卒

古序曰蓼莪刺幽王也毛公曰民人勞苦孝子不得終養爾朱子改謂民人勞苦自作非也孝子行役親死不得見作此詩以諷王之不仁爲民父母使民至此所以爲刺幽王父子相賊釀成驪山之禍是詩爲之兆矣蓼莪解見菁菁者莪○一莪之始生香美可食及其蓼然長大則變而爲蒿父母生子待養而不能養猶無子耳哀哀父母勤劬勞苦生我何爲乎○二蓼蓼長大之莪非莪也特焉薪之薪耳有子而

不養其親不可以爲子哀哀父母惟瘁勞苦生我何
爲乎○三餅汲水以注于壺壺貯水以資乎餅猶父
母與子相依爲命也今父母旣亡子亦單獨之民偷
生人世不如死之長久矣無父何所依賴無母何所
倚仗出銜憂而誰愬入失路而焉往所以生不如死
也○四父兮以氣生我母兮以身鞠我摩挲以拊我
防護以畜我成就以長我馴化以育我回視以顧我
再三以復我出往入來懷抱腹我劬勞如此思報其
德如昊天渺漠不知窮極何能報也○五南山本陽
背北爲陰烈烈然慘切飄忽之風發發暴疾觸目皆

淒涼之境凡民父母相守莫不吉祥我何獨遭此害
乎○韞南山律律然萃律飄風弗弗然奮疾觸境皆
成悲傷凡民莫不吉善我何獨鮮終乎○莪蒿可
食俄然易長故曰莪蔚馬薪蒿葉似胡麻賤草也哀
哀悲痛之辭餅罍皆酒器餅小罍大罍空也鮮民單
獨之民鞠懷妊也拊手摩也畜防護也長漸成也有
教養也顧左右盼也復反覆戀也出入腹擁抱之也
罔極無窮也烈烈慘也律律高也不卒不終也
蓼莪六章四章章四句二章章八句

有饁簋殽

殽

有棣

求

棘七

止

周道如砥

止

其直如矢

君

子所履小人所視叶瞻音言顧之潛山焉出涕體叶○小

東大東叶杼柚其空叶糾糾葛屨可以履霜佻佻挑公

子行彼周行叶既往既來叶使我心疚叶○有冽列沈

軌泉無浸穫薪契契音寤歎哀我憚但人薪是穫薪尚

可載叶也哀我憚人亦可息也○東人之子職勞不來

力叶西人之子粲粲衣服叶舟人之子熊羆是裘叶私人

之子百僚是試叶○或以其酒不以其漿鞞鞞音佩璫

逆不以其長維天有漢監亦有光跂音彼織女終日七

襄○雖則七襄不成報章皖緩彼牽牛不以服箱東有

啓明叶西有長庚叶有抹天畢載施之行叶○維南有

箕不可以簸

簸聲

揚維北有斗不可以挹酒漿維南有

箕載翕其舌維北有斗西柄之揭

挈

古序曰大東刺亂也毛公曰東國困於役而傷於財譚大夫作是詩以告病焉○按此亦幽厲時詩故稱西人西京之人也譚東方國名詩不及而序云譚大夫作者皆有所受之○章一昔國家豐富百禮皆備簋以盛粢稷有饒然而滿之殽匕以取鼎肉有捄然而曲之棘匕彼一時也周道大明貢賦有制如砥之平無厚薄也如矢之直無私賂也在上君子履之不違在下小人視爲法守回顧往事今非昔比民窮財盡

爲之潛然出涕也○

章二

我東方之民勿論小國大邦

寸縷無遺杼柚空矣糾糾然纏縛其敝壞之葛屨猶
謂可以踐霜佻佻然不耐勞苦之公子奔走道路往
而復來使我見之心病也○章三冽然寒涼旁出之泉
勿浸已穫之薪薪穫已槁而又浸之則腐矣猶民已
憔悴而更虐用之其能堪乎是以我契契然憂苦不
寐而歎息惟哀此憚病之人耳司饗者欲薪是穫薪
尚其載之勿使受浸可也牧民者哀此病民尚其休
息之勿重勞之可也○韜我東國之人專主勞苦曾
不蒙慰來彼西京之人粲粲然鮮盛其衣服以至操

舟者亦著能羅之裘私家賤卒亦用爲百僚之貴何
西人樂而東人獨苦也○韋西人之徵貨于我東也
我東人或以酒饋之彼視之曾不以爲水漿韞韞然
垂玉之佩璫厚贈之彼亦歎然不以爲長百求百供
而不滿志人力已竭必天降神輸躡虛空摘星辰乃
可滿西人之求而救我東入之困乎故維天有漢視
下光明庶以餘波及我跼然三星角立者織女也終
日駕更七次或能濟我杼柚之急耳○韋民苦空嗟
天高難問織女雖七襄焉能織絰成章以答我皖然
而明者有牽牛之星亦不能駕我之箱日之未出東

方有啓明之星。日之旣入。西方有長庚之星。羅禽用
畢。又有捄然而曲。天畢之星。皆徒施之行列耳。啓明
長庚不能助昏夜之明。天畢不可爲狩獵之用。則雖
天亦窮矣。○乾粟米之貢。簸揚用箕。南方空有箕。而
不可以簸揚。酒漿之貢。斟酌用斗。北方空有斗。而不
可以挹酒漿。南箕東向。翕張其舌。若吞噬我東人。北
斗柄揭向西。亦若爲西人挹取而已。雖籲天何益乎。
○饑滿貌。盛黍稷曰簋。飧熟食也。捄長而曲也。棘七
削棘木爲匙。取鼎肉升于俎者也。周道猶云。王制砥
磨石言平也。小東大東。東方大小之國也。杼受經者。

袖卷織者前曰杼後曰袖糾糾旣敝而纏束之也夏
葛屨冬皮屨敝而糾之猶可以踐霜貧者之計也僂
佻輕薄不耐勞苦之意冽寒意泉從旁出者曰沆穫
刈也契契憂苦也憚癘通病也職勞專勞也來慰撫
也西人西京之人舟人私人皆西人之微賤者試用
也漿以米物和水卽今湯茗之類周禮有酒人漿人
漿薄酒厚也鞞鞞長貌璫佩玉也衣曰襪佩曰璫天
漢天河也監視也跂三隅之狀織女三星跂立襄駕
也日月所舍在天爲天在地爲辰織女星自卯至酉
隨天行七次也牽牛六星服駕也箱車箱啓明長庚

金星也一星二名以其先日而出曰啓明以其後日而入曰長庚天畢八星如掩兔之畢畢小網有柄者也行列也翕張也翕之言張猶治之言亂也箕舌解見巷伯揭立也斗北方之宿與箕近秋并見南方其柄向西在箕北詩曰北有斗非中宮北斗也

大東七章章八句

四月維夏

虎叶

六月徂暑先祖匪人胡寧忍予與叶○秋日

淒淒百卉具腓亂離瘼矣奚其適歸○冬日烈烈飄風

發發民莫不穀我獨何害裕叶○山有嘉卉侯栗侯梅廢

為殘賊莫知其尤回叶○相彼泉水載清載濁觸叶我日櫛

禍曷云能穀○滔淫江漢南國之紀盡瘁以仕寧莫我

有

叶○匪鶉

匪鶉

匪鶉

翰飛

昊天

匪鱣

匪鱣

○山有蕨薇隰有杞桋

夷

君子作歌維以告哀

古序曰四月大夫刺幽王也毛公曰在位貪殘下國

構禍怨亂並興焉○朱子改爲遭亂自傷之辭非也

爲若遭亂者自傷以刺王也讀此詩者想見四時愁

慘山川寥落飛走動植彫零死札之象何必斥王乃

謂爲刺末云寧莫我有維以告哀刺義曉然○

章一四

月建巳時維初夏六月以往暑氣尤盛虐政煩酷何

以異此先祖於我一氣相關匪他人比寧忍棄我而

不救乎○

章二

秋日淒淒然百草俱病蕭條之景尤難

爲懷當此離亂舉世皆病何所適歸乎○

章三

日烈烈苦寒發發飄風肅殺尤慘民莫不善我何爲

獨遭此害乎○

章四

山有嘉卉維栗維梅皆卉木之美

者猶亂世未嘗無君子今爲殘賊小人所擯棄上無

英主煬竈蔽明莫有能知其罪過者矣○

章五

相彼泉

水有時濁亦有時清世道昏亂永無清明之期我構

遇禍亂何時能善乎○

章六

滔滔下流江漢之水本無

情也在南國襟帶包絡以爲綱紀焉今我盡力勞瘁

仕爲王臣區區微忠棄而不有是流水之不若也○

七我生匪鵲也匪鳶也若鵲鳶則將翰飛戾天而去
矣我生匪鱸也匪鮪也若鱸鮪則將潛逃于淵而隱
矣今何往而得免邪○章八山有蕨薇隰有杞桋深山
窮谷草木食此亦天亦淵也身將隱矣焉用文之
其作此歌維以訴哀傷之情而已○徂往也六月夏
將終而甚暑故曰徂暑腓病也瘼亦病也嘉卉通言
草木也侯惟也尤過也構禍遇禍也鵲作鵲鵲也大
者爲鵲似鷹鳶鵲也桋赤棘也叢生一本作萑草木
始生也

四月八章章四句○朱子改小旻至此章爲小旻之

什

陟彼北山言采其杞偕偕士子朝夕從事叶王事靡盬

憂我父母○溥天之下叶莫非王土率土之濱莫非王

臣大夫不均我從事獨賢叶○四牡彭彭叶王事傍傍

嘉我未老鮮選我方將旅方方剛經營四方○或燕燕

居息或盡瘁事國叶或息偃在牀或不已于行叶○或

不知叫號毫或慘慘劬勞或栖遲偃仰或王事鞅養掌

○或湛軌樂飲酒或慘慘畏咎久或出入風議叶或靡

事不爲

古序曰北山大夫刺幽王也毛公曰役使不均已勞

於從事而不得養其父母焉○朱子改爲大夫行役而作非也爲行役者之言以刺王耳說見孟子北山背陽之比杞苦菜食苦之比○章一陟彼北山采杞而食勞苦饑餓甚矣念我偕偕然旅行之士子朝夕從事不得休息以王事不可不堅固久于外而憂思父母也○章二溥天之下無處非王之土循地之涯無人非王之臣彼當事大夫爲政不平使我從事獨賢勞也○章三四牡彭彭不休王事傍傍不已王嘉我之年未老貴我之力方壯脊膂方剛可以經營四方是以我獨勞耳○章四均爲王臣有燕燕然安居休息者有

盡瘁以從事邦國者有休息偃卧在牀者有奔走不
已于行者○八有深居不聞外人叫號者有慘然劬
病勞苦者有栖遲于家偃仰得意者有爲王事牽持
鞅掌失容者○六有湛樂飲酒爲驩者有慘然畏不
免于罪者有出入優游間譚風議者有諸務交責無
事不爲者役使不均如此○偕偕旅行貌士子任事
之稱率循也濱涯也盡四海邊岸也獨賢卽下章嘉
我未老三句之意賢猶多也彭彭不息也傍傍不已
也嘉猶善也鮮希有也方將方大也旅作齊與呂同
脊骨也鞅掌牽持意鞅馬鞅也掌握持也偃仰貌迎

風曰偃

北山六章三章章六句三章章四句

無將大車祇

支

自塵兮無思百憂祇自底

叶

兮○無將

大車維塵冥冥無思百憂不出于頰

景

○無將大車維

塵維

男

兮無思百憂祇自重

聲

兮

古序曰無將大車大夫悔將小人也○朱子改爲行

役勞苦憂思者之作非也幽王之時小人衆多君子

悔與共事故序借將車以釋之將猶駕馭也小車駕

馬大車駕牛車行利輕而惡重貴馬而賤牛故以牛

車爲小人負重之比始不察而誤用至于困憊不前

誤國債事所以可憂。朱子因篇次北山小明間改爲
行役而作非也。○一章駕車者勿將大車乎。車大而牛
行遲祇揚塵自汙耳。如小人無材君子誤爲推轂一
據津要可愛多端追悔何及祇足自病而已。○二章無
將大車則塵起而昏冥矣。小人誤爲汲引可愛百端
強自排遣祇耿耿在鬱悶中不得出耳。○三章無將大
車維塵雖蔽之彼小人誤爲吹噓爲憂將多尋思無
及祇自增累耳。○大車任載之車祇但也疾瘠通病
也。頰耿同小明也。幽悶之意雖壅同蔽也。重膺累也。
○無將大車三章章四句

明明上天照臨下土我征徂西至于朐求野二月初

吉載離寒暑心之憂矣其毒大苦念彼共恭人涕零如

雨豈不懷歸畏此罪罟○昔我往矣日月方除去曷

云其還旋歲聿云莫念我獨兮我事孔庶心之憂矣憚

但我不暇叶念彼共人惓惓春懷顧豈不懷歸畏此譴

怒○昔我往矣日月方奧御曷云其還政事愈蹙歲聿

云莫采蕭穫菽心之憂矣自詒伊戚叶念彼共人興言

出宿豈不懷歸畏此反覆○嗟爾君子無恆安處靖共

爾位正直是與神之聽之式穀以女次○嗟爾君子無

恆安息靖共爾位叶好是正直神之聽之介爾景福

古序曰小明大夫悔仕於亂世也○朱子改爲大夫
久役而作非也誦其辭悽惋流涕雖敘行役之苦實
多悔恨之情各章念彼恭人思自全之策惟有恭慎
庶幾化憂患爲景福處亂世而獲安全此其怨悔之
意甚明若但以爲行役而作殊不盡作者之情○一章
明明上天照臨下土其監憐我乎我行役西來遠至
光野自二月之朔至今寒暑載更我心之憂受毒極
苦生逢亂世業已受職無可奈何惟念彼小心之恭
人至于淚落如雨豈不思歸畏刑網而不敢耳○二章
昔我之往舊歲方除何時言歸而歲已莫矣念我身

獨事衆心憂而病不暇念彼恭人瞻瞻然長慮却顧
心雖思歸畏譴怒而不敢也○三昔我以春和往未
知何時可還政事迫蹙歲將莫而蕭蕭可采穫矣中
心憂傷自詒此戚惟念彼恭人不敢安寧而起宿于
外心雖思歸畏時政之反覆耳○四嗟爾在位君子
生斯時也惟無常安居可乎靖靜恭敬爾之職位以
正直之道自許鬼神默聽用吉祥與汝矣○五嗟爾
君子其無常安息乎靖恭爾位惟正直之道是悅鬼
神默聽自助爾以大福矣○六允野西方地名初吉朔
日也舉事尚早故凡朔日稱吉離歷也共與恭通共

人恭敬之人除除陳生新謂方春也孔庶甚多也憚
瘳通病也與煖也二月春和也興言出宿不敢宿內
也反覆刑不中也靖共安靜恭敬也或云與供同是
與自期許也穀福祿也以女與汝也介佐助也

小明五章三章章十二句二章六句

鼓鐘將將鎗淮水湯湯憂心且傷淑人君子懷允不忘

○鼓鐘喈喈皆淮水潏潏借憂心且悲淑人君子其德

不回○鼓鐘伐鼗切淮有三洲憂心且妯抽淑人君子

其德不猶○鼓鐘欽欽鼓瑟鼓琴笙磬同音以雅以南

林叶以鼗不僭侵叶

古序曰鼓鐘刺幽王也○幽王東遊淮上爲流連之樂故詩人刺之天子非巡狩不行嘉樂不野合西京去淮上甚遠而久作樂于水濱非先王之觀也是役也未必無朝會而詩但言鼓鐘淮水以諷其荒樂遠遊無復先王脩禮輯瑞樂望祭告之典與秦政隋廣先後一轍所以爲刺○韋鼓與鐘其聲將將淮之水其流湯湯王遠離西京爲流連之樂我心憂傷念古之賢王溫恭小心真善人君子思之信不能忘也○韋鼓鐘喈喈然遠聞淮水潛潛然盛流樂不可極憂心爲之傷悲念昔淑人君子以禮自持其德豈有固

邪乎○三章鼓鐘伐馨坐見水落而三洲出爲時久矣
流連忘反憂心爲之妯動思昔淑人君子好樂無荒
其德豈有過尤乎○四章樂所以昭德也今鼓鐘欽欽
然音節可聽堂上鼓瑟琴堂下吹笙擊磬音律和同
以奏二雅以奏二南以籥起舞皆不僭差樂則古樂
而人非古人焉得無淑人君子之思乎○淮卽今淮
安府淮水經焉潏潏衆流貌馨大鼓洲水中沙洲妯
動也猶與尤通過也欽欽聲有度也籥解見簡兮文
舞也僭差也

鼓鐘四章章五句

楚楚者矣

慈

言抽其棘自昔何爲我莠黍稷我黍與與

休叶

我稷翼翼我倉既盈我庾維億亦叶以爲酒食以饗以

祀

叶

以妥以侑

叶

以介景福

璧叶

○濟濟跄跄

斯

絜爾牛

羊以往烝嘗或剝或亨

叶

或肆或將

祝祭于祊

叶

祀

事孔明

叶

先祖

是皇神保是饗

叶

孝孫有慶報以介

福萬壽無疆

○執爨

踏踏

叶

爲俎

孔碩

或燔

或炙

叶

君婦

莫莫爲豆

孔庶

爲賓

爲客

君婦

莫莫爲豆

孔庶

爲賓

爲客

爲賓

爲客

爲賓

爲客

爲賓

爲客

爲賓

爲客

爲賓

爲客

爲賓

爲客

爲賓

爲客

度

叶

笑語

卒獲

叶

神保

是格

叶

報以介福

萬壽

攸酢

叶

○我孔熯

叶

矣式禮

莫愆

工祝

致告

祖賚

孝孫

叶

○我孔熯

叶

矣式禮

莫愆

工祝

致告

祖賚

孝孫

叶

苾芬孝祀

叶

神嗜

飲食

十爾百福

叶

如幾

如式

叶

既齊

叶

○我孔熯

叶

矣式禮

莫愆

工祝

致告

祖賚

孝孫

叶

既稷既匡既勅永錫爾極時萬時億亦叶○禮儀既備北叶

鐘鼓既戒叶孝孫徂位立叶工祝致告國叶神具醉止皇尸

載起鼓鐘送尸神保聿歸諸宰君婦廢徹不遲諸父兄

弟備言燕私○樂具入奏族以綏後祿爾殽既將莫怨

具慶羌叶既醉既飽制叶小大稽首啓神嗜飲食使君壽考

叶孔惠孔時維其盡井叶之子子孫孫勿替引之

古序曰楚茨刺幽王也毛公曰政煩賦重田萊多荒

饑饉降喪民卒流亡祭祀不饗故君子思古焉○朱

子改爲述公卿有田祥者力于農事以奉宗廟之祭

而作非也按詩辭莊嚴典則多贊頌語與下篇信南

山甫田大田皆諷幽王而惟此篇首四語思古傷今
餘皆極陳古時和年豐祭祀燕享宛然身逢其盛而
銜恨于生今之世意在言外豳風七月周公遭亂述
古以諷成王意與此類若以爲公卿奉祭之詩則七
月亦周公燕饗之詩矣蓋農事國之根本祭祀國之
大事洪範以農政繼五行周官以三農先九職洛誥
以明農序正父自后稷肇祀不窋失業公劉古公疆
理力田遂拓丕基子孫守先訓力農奉祀以此占國
運興衰故后稷配天而生民作文武功成而思文頌
二叔不才乃詠七月幽王死宗周滅乃有楚茨大田

平王東遷，九廟墮，乃歌黍離，皆推本農事，不忘先業也。無逸一書，極言稼穡艱難，與先代勤民之主以戒成王。楚茨諸詩，歷序古曾孫稼穡祭祀禮樂，壽考福祿，以諷幽王。詩書獻納正同。今以爲公卿力田奉祭，與雅何涉？雖降而爲國風可也。○章一古者先成民而後致力於神。今四郊荒蕪，楚楚然多蒺藜，我抽除其棘，此棘茨之地，在昔何爲者乎？乃我藝種黍稷之田也。昔我所種之黍，與與然茂盛，其稷翼翼然整齊。秋收，我倉旣滿，露積于外而爲庾者，維億之多也。年豐民樂，然後致力於神，以爲酒食，以獻享祭祀，以迎尸。

入室拜而安之以勸尸食飽而侑之以因祭而得大福也○章二王格有廟則助祭諸臣濟濟蹵蹵然容之盛也絜爾牛羊之牲奉烝嘗之祭或剝其皮而烹飪之或陳肆其體而將進之迎牲之始孝子使祝求神于廟門內西主人待賓之所若先祖來臨事死如生其禮甚明備也先祖皇然臨之尸爲神保食而饗之孝孫因以蒙慶先祖答以大福萬壽無疆界也○章三諸臣有執爨者司鼎鑊以供炊煑踏踏然恭敬不寧俎以載熟其牲體甚肥碩或燔肉或炙肝從俎以獻也內而主婦莫莫清靜爲二羞以薦豆品多而孔庶

異姓助祭有賓客獻尸之後主人飲福徧及合廟旅
酬交錯而禮儀盡合法度笑語盡得時宜于是神保
來格答以大福酢之以萬壽也○章四行禮既久筋力
甚悴矣而用禮無失敬之至也故工祝致神意以嘏
辭告孝孫并神所予黍稷牢肉往賚之辭曰苾芬馨
香汝之孝祀也神嗜爾飲食期爾以百福如先幾焉
如程式焉其應不爽也爾祭既整齊既嚴肅既匡正
既戒勅永錫爾以百福之聚時萬時億之多也○章五
禮儀既備祀事終尸將起矣戒備鐘鼓以送之孝孫
出往堂下西向之位工祝傳神意告利成于孝孫羣

廟之神皆醉。皇尸則起。所戒鐘鼓奏肆夏以送尸。而神保遂歸矣。膳夫乃徹去諸饌。君婦徹去籩豆。皆致疾。供事無異行禮之初。既歸賓客之俎。而同姓之諸父與兄弟皆留燕于寢。以盡其私恩焉。○燕舉于廟後之寢。則在廟之樂皆入奏于寢。以安爾孝孫。方來之福。蓋骨肉無間。則福祥永保。故爾敬既進。諸父兄弟無有怨者。皆躡慶醉飽。大小長幼。全稽首祝曰。神嗜爾飲食。既使君壽考矣。而君祭祀甚順。禮甚得時。盡志盡物。將使爾子又子孫。又孫勿廢廟祀。而引長之也。○楚楚繁盛也。茨蒺藜也。抽拔去也。棘小莠。

矣言楚棘言抽互文也庾露積未入倉者十萬曰億
妥安也尸始入堂拜之而安坐也侑勸也介因也春
秋傳云敢介大國是也古者賓主相見必以介因祝
致福猶因介見主也祝工祝也祓廟門內也凡主人
逆賓于大門內主由東客由西祝于此迎神之來也
廟門外亦謂之祓明日繹祭之所也神保卽尸也尸
所以保安神靈楚辭謂巫爲靈保是也饗竈也有二
廩爨以炊食饗爨以煮肉俎形如几案載牲體也爲
俎肉熟于鼎升于俎以薦也與前肆將異前爲腥此
爲熟也碩肥也肉曰燔肝曰炙君婦主婦也莫莫清

靜也祭禮后夫人主供蓬豆蓬實果核糗餌之類皆
乾物豆實醢以糝上之類皆曰內羞薺臠臠音直
醢之類曰庶羞二羞皆濡物孔庶甚多也主人飲賓
曰獻賓飲主人曰酢主人又先酌自飲復酌飲賓曰
酬賓受之奠于席前而不飲至旅而後少長相酬交
錯以徧也東西曰交邪行曰錯笑語旅酬時相語也
卒盡也度法也獲得宜也燂與膜其乾矣之膜同懽
恠意言行禮久而勞恠也式禮用禮也工祝工于辭
說善祝神也致告尸命工祝傳嘏辭告主人也嘏福
也賚尸以黍稷牢肉賚主人也苾芬香也十期也動

而應曰幾事如法曰式如幾如式言吉祥如意稷
粟也。粟言肅秋成氣嚴肅也。匡不跛倚也。勅戒備也。
極中也。五福之聚也。孝孫徂位。主人祭畢往堂下阼
階西向立也。致告祝傳神意告利成也。利養也。成畢
也。奉養禮畢也。皇尸者。尊稱之也。載則也。鼓鐘送尸。
周禮大司樂尸出入奏肆夏也。廢去也。諸宰膳夫與
其屬不遲不以祭畢倦怠也。私親也。燕同姓以親骨
肉也。

楚茨六章章十二句○按少牢嘏辭云皇尸命工祝
承致多福無疆于汝孝孫來汝孝孫使汝受祿于天

宜稼于田眉壽萬年勿替引之是大夫之嘏辭也朱
子謂此爲公卿之詩本此天子之嘏辭無考今觀必
芬孝祀等語非王者之嘏辭與

信彼南山維禹甸

叶平聲

之嘏嘏

雲

原隰曾孫田之我疆

我理南東其畝

叶利

○上天同雲雨

去聲

雪雰雰益之以霡

霖

木既優既渥既霑既足生我百穀○疆場

亦

翼翼

黍稷彧彧曾孫之穡以爲酒食界

秘

我尸賓壽考萬年

寧

○中田有廬疆場有瓜

叶孤

是剝是瀆獻之皇祖曾孫

壽考

叶

受天之祜○祭以清酒從以騂牡享于祖考

執其鸞刀以啓其毛取其血膋

叶

○是烝是享

叶

苾芬芬。

叶祀事孔明。

叶

先祖是皇。報以介福。萬壽無疆。

古序曰。信南山刺幽王也。毛公曰。不能脩成王之業。

疆理天下。以奉禹功。故君子思古焉。○朱子改爲公。

卿力田奉祭之詩。非也。又曰。曾孫古者事神之稱。序。

以爲成王陋矣。亦非也。蓋周以農事開國。雖不始于。

成王。而疆理天下。宅土中。分九服。盡東南之地。爲則。

壤。實自成王始。如詩書周公之七月。無逸。召公之篤。

公劉。皆以農事輔翼成王。故序以曾孫爲成王也。雖。

事神之通稱。實莫大乎天子。記曰。稱曾孫。謂國家也。

故武王自稱有道曾孫。在諸侯。如豸首之曾孫。侯氏。

春秋傳之曾孫蒯聵周禮考工記之祝侯曰詒女曾
孫諸侯百福自諸侯以下禮卑名小分輕不足舉矣
其曰維禹句之者思古傷今猶前篇自昔何爲之意
亦王者事詩凡四詠禹功豐水東注詠武王奕奕梁
山美宣王天命多辟美商王此篇諷幽王如以爲美
公卿其辭不倫其曰南東其畝者槩率土而言也周
京偏據西北天地之勢西北高而東南下故其田之
膏沃與疆理之功莫遠于南而極于東文王化行亦
止南國王制云東田大雅江漢云于疆于理至于南
海成王時周公東征至于海隅奄徐淮揚之土始歸

版圖故曰南東其畝如以爲公卿之詩義不及此○
章一人言禹功信乎此終南之山禹所甸治也其下有
畇畇然開墾之原隰昔我周王奉宗廟爲曾孫者藉
千畝爲田以供御康充祭祀田雖始于畿甸疆域盡
乎四海周京據西北以至南國東土則壤成賦誰非
疆理之功與○章二思昔曾孫時和年豐冬觀上天雲
氣一色雨雪雰雰然盛也及春有霖霖之細雨土壤
化爲膏澤優渥霑足而生我百穀其天時順序如此
○章三田畔之疆場翼翼然整齊田中之黍稷彧彧然
美盛收而斂之皆曾孫之穡以爲酒爲食以祭祀畀

尸賓獲壽考萬年之福也○韋我民田百畝中有廬舍田畔種瓜瓜熟剝削淹漬以爲菹物雖微而民力普存獻之皇祖祝我曾孫壽考受天之祐也○韋五祭以清潔之酒從以赤色之牲親執有鈐之刀啓其牲毛以告純又取其血以告殺取其脂膏焚之以升臭也○韋六以是烝而進之饗而獻之苾苾芬芬然馨香祀事之禮無不明備先祖皇然臨之工祝致告萬壽無疆界也○韋甸治田也昀昀墾辟貌畝田畝寬一步長百步爲畝同雲雲一色將雪之候也霏霏小雨也疆場田畔也或或猶郁郁盛貌在田曰稼在場曰穡

尸賓尸卽賓也助祭諸臣亦賓也中田田中也廬在
田之廬三時居之以便田事也鷩刀有鈴之刀啓毛
以告色之純也膋腸間脂也和以黍稷寘蕭而炷入
聲之使臭氣上達求神于陽也灌酒于地以求神于
陰也報猶告也介工祝也或曰介大也
信南山六章章六句

毛詩原解卷二十二終

毛詩原解卷二十三

甫田之什

甫田至賓之初筵凡十篇

倬

卓

彼甫田

叶

歲取十千

叶

我取其陳食

嗣

我農人自

古有年

叶

今適南畝

叶

或耘或耔

叶

黍稷薿薿

叶

攸介

攸止烝我髦士

史

○以我齊

名

明

叶

與我犧羊以社以

方我田既臧農夫之慶

叶

琴瑟擊鼓以御

通

田祖以祈

甘雨以介我稷黍以穀我士女○曾孫來止以其婦子

叶

饁

葉

彼南畝

叶

田畯至喜攘其左右

叶

嘗其旨否

叶

禾易長畝

叶

終善且有

叶

曾孫不怒農夫克敏

叶

○曾

孫之稼如茨如梁曾孫之庾如坻池如京叶乃求千斯
倉乃求萬斯箱黍稷稻粱農夫之慶叶報以介福萬壽
無疆

古序曰甫田刺幽王也毛公曰君子傷今而思古焉
○朱子改爲祭方社田祖之詩非也首章傷今之意
宛然思昔曾孫能繼古人傷今人不能繼曾孫也凡
詩諷上微婉此篇與楚茨信南山皆見之首章大田
見之三章使誦者罔覺所以爲主文而諷諫也○章一
彼倬然公私章明之大田莫非王土王賦然田大而
賦輕每歲百取十萬取千什一而稅上無橫征故我

農人有陳積。取以自養。自古先公教民力田。有此豐登。今曾孫紹先。勤民適彼南畝。農人或耘草。或耔苗。黍稷粃然茂盛。於是卽田間止息。烝進我農人俊秀者。而慰勞之也。○二每歲秋成。禮有報賽。以我明潔之粢盛。與純色之犧羊。祭土神之社。及司四方之神。不自歸美。而云我田之臧。皆諸神賜農人之福也。每歲春耕。禮有祈年。奏琴瑟。擊土鼓。以迎始教農之田祖。亦不自爲。惟求甘和之雨。助我稷黍。以養我士女而已。○三及夏而耘。曾孫親來田所。農夫婦子餉耘。農官至見而喜。曾孫攘却從者。親嘗饁之。旨否。視田。

中之禾皆已易治。竟畝如一。終當美善。富有曾孫。不
怒而農夫克勤無事督責也。○軻及其秋收公私遠
近之入孰非曾孫之利。在田未刈者民之稼。皆曾孫
之稼也。密如屋茨。高如屋梁。在外未入倉者民之庾。
皆曾孫之庾也。如水中之坻如高丘之京。其斂而納
之室也。求千倉以貯之。求萬車以載之。凡此黍稷稻
粱莫非農夫之慶而敢忘曾孫乎。願方社田祖報之。
以介福使之萬壽無疆也。○倬明貌。百田大田謂天
下田也。十千謂十稅一萬取千也。舊穀曰陳。所謂三
年耕有一年之食也。耘除草也。耔壅苗也。介閒也。攸

介田間也止停也烝進也髦士總角俊少之士凡力
田者皆少壯古者士出于農進農士之少者慰勸之
也齊與粢同飯也在器曰盛明潔也凡祭牲色純曰
犧社后土之神方四方之神五官配五氣按五方土
生物四方各司其氣成物也田臧謂收成之美也擊
鼓擊土鼓周禮祈年歌豳雅擊土鼓以瓦爲匡以革
鞀之曰土鼓田祖先嗇神農也會孫來省耘也饁餉
也田畯農官攘却也左右曾孫之從者却其從者親
取饁嘗也禾易禾苗易治也長畝竟畝如一也不怒
克敏不督責自勤也種之曰稼斂之曰穡在野曰庾

或云水漕倉曰庾在邑曰倉茨茅蓋屋也梁屋梁砥
水中高地京高丘箱車箱介福祝傳神意以嘏主人
也尸之有祝猶賓之有介或曰介大也

甫田四章章十句

天田多稼既種聲上既戒駕叶既備乃事史叶以我覃刈耜史

俶載南畝美叶播厥百穀各叶既庭且碩曾孫是若○既方

既皁叶早既堅叶祖既好叶孔不稂不莠去聲其螟螣特及

其蠹賊無害我田穉叶梓田祖有神秉畀炎火叶虎○有渰

淩淩興雨祁祁雨我公田遂及我私彼有不穫穉此

有不斂穧祭彼有遺秉叶秘此有滯穗遠伊寡婦之利○

曾孫來止以其婦子饁彼南畝美叶田畯至喜來方禋祀

史以其騂黑與其黍稷以享以祀以介景福叶

古序曰大田刺幽王也毛公曰言矜解寡不能自存

焉○朱子改爲農夫答甫田非也公卿祭方社與農

夫何預而詩以答之毛公矜寡之說正詩人刺王之

志見第三章幽王時田野荒蕪人民離散犬戎蠶食

漸逼豐鎬不數年而宗廟化爲黍離此大田諸詩所

由作也哿矣富人哀此矜寡是謂不能自存焉爾○

章率土皆王田田大則稼多稼多則種多既備其所

宜之種又戒其所用之器二者備乃從事于田以覃

利之耜始耕南畝播其百穀苗之生者庭直碩大順
曾孫之心也○二章苗齊秀而旣方匡甲成而旣阜實
堅而旣滿形美而旣好無不實之根無野草之莠又
去其食心之螟食葉之蟊食根之蠹食節之賊無害
我田之苗田祖有神秉持四蟲付之炎火也○三章天
渰然作雲其雲萋萋興然降雨其雨徐徐顧我小民
焉能格天惟天眷曾孫而雨公田因便及我私田使
公私遠邇無不豐登彼有不及刈之穉禾此有不及
斂之穫穡彼有遺棄之禾把此有滯漏之遺穗使無
告之寡婦拾取以爲利也○四章曾孫來省斂農夫婦

子適來饁穫農官至而喜也民事旣成曾孫來報賽
四方之神致精意之享以其方色之牲或騂或黑與
黍稷爲黍盛以享祀四方之神而介致景大之福也
○大田猶言王田覃利也耜所以起土俶始也載事
也庭直也碩大也若順也方並秀也齊等曰方穀斗
曰阜與槽通故柞實甲曰阜斗周禮山林植物宜阜
物漢書牛驥同阜言穀始成匡甲未合如槽斗也秀
而不實者曰稂莠狗尾草稂似稻莠似稷皆苗害也
穉卽苗也涂雲貌萋萋盛貌祁祁徐也雨暴不久且
傷苗穡撮也禾已穫而未束者細分曰穡合束曰秉

滯漏也。精意以享曰禋祀。禋之言煙氣也。合漠之意。祭焚蕭脂升臭通神。故曰禋。今人香煙卽其意也。騂黑牲也。南北二方之色。舉以該餘也。

大田四章二章章八句二章章九句

瞻彼洛

叶卽合洛陽二字爲音

矣維水泱泱君子至止福祿如茨

韎

肱各

有奭以作六師○瞻彼洛矣維水泱泱

君子至止

兩琫蚌上

有珌○君子萬年保其家室○

瞻彼洛矣維水泱泱君子至止福祿旣同君子萬年保

其家邦

叶蚌平聲

古序曰瞻彼洛矣刺幽王也毛公曰思古明王能爵

命諸侯賞善罰惡焉○朱子改爲天子會諸侯于東都講武而諸侯美天子之詩非也按各章首二句悽然有河山今昔之感與淮水同其慨歎其爲刺幽王明也昔周公營洛都朝會巡狩以明賞罰故立政曰文子文孫其克詰戎兵以陟禹之迹方行天下至于海表罔有不服成康旣沒周道寢衰久曠盛典宣王中興復古詩人有車攻之頌幽王嗣服荒于酒色嫡庶不正父子相傾賞罰僭濫武備不脩會同遂廢故詩人觀洛水而思先烈也天下雖安忘戰必危以周京密邇西戎故諷之以作六師慮其有夷狄之禍也

保家室諷太子申后之事也保家邦知西周之將亡也君子至止諷以朝會也福祿諷以賞善也戎服佩刀諷以罰惡也序說備矣自此以下四篇思古情迫言華而旨悴畏禍之深主文而譎諫故言之者無罪嗟夫聲音之道與政通矣秦風之將興也變而之雅周雅之將亡也變而似風誦者當自得之○章自我先王營洛邑以朝諸侯瞻彼洛水泱泱然深廣猶夫故也思昔君子至此萬方之玉帛以奉天子一人之慶賞以序百辟福祿之盛如茅茨之積也天子躬擐甲冑服其韎韐赤色亟然以振作六師天下有道禮

樂征伐皆自天子出也○二章瞻彼洛矣唯見其水之
泱泱而已思昔君子至止七校星列武備森嚴佩刀
盛以鞞鞞上飾琫鞞下飾琕御戎服以講武萬年之
久折衝禦侮而保其家室也○三章瞻彼洛矣其水泱
泱寧自今矣思昔君子至止福祿攸同馭富馭貴操
之一人萬年之久懷綏方國而保其家邦也○洛東
都水名泱泱深廣貌君子指先王茨厚積也韎茜染
皮也韜合皮爲蔽膝卽鞞也與韞制同韞用布帛鞞
用韋也韞赭通赤色作振也天子六師鞞與韞同刀
室也鞞上飾曰琫下曰琕

瞻彼洛矣三章章六句

裳裳者華

花

其葉湑

晉上聲

今我觀之子我心寫

上叶徐

今

我心寫兮是以有譽處

杜上聲

兮○裳裳者華芸其黃矣我

觀之子維其有章矣維其有章矣是以有慶

剡上聲

矣○裳

裳者華或黃或白

剡上聲

我觀之子乘其四駱乘其四駱六

轡沃若○左

確上聲

之左之君子宜

俄上聲

之右之君子

有以叶之維其有之是以似

使上聲

之

古序曰裳裳者華刺幽王也毛公曰古之仕者世祿

小人在位則讒諂並進棄賢者之類絕功臣之世焉

○朱子改爲天子美諸侯之辭以答瞻彼洛矣非也

按序謂勲舊子弟賢而王不能用耳昔者周公之訓
曰故舊無大故則不棄子孫賢則世官不賢則世祿
周道也幽王之世女謁內嬖皇父家伯羣小蔽賢而
耆舊如冢父芮伯凡伯諸君子皆不得進用世家子
孫或有爲人所傾服而不得譽處有文章而不得福
慶有車馬而不得顯用小人在位奪功臣之祿棄賢
者之後故末章追頌先臣功德似穀其子孫而諷王
所用之非人也裳常棣其華同萼故比兄弟世族非
親非族鮮有以常棣比者其華先葉首章言棠棣則
華落矣故爲有賢無譽處之比華色白次言芸黃則

色變矣故爲有文章無福慶之比。三言或黃或白華
有存者故爲有車馬無祿位之比。世族彫謝所以謂
之棄類絕世也。章一裳裳然並蒂之花其葉潯然潤
澤則花落盡矣。世族零替何異此。我見之子喜其象
賢而心爲輸寫。夫能使人心輸寫則其享譽樂而處
爵位宜矣。章二裳裳者華芸然色黃將落之漸矣。我
見之子文章英華無忝世冑。既有文章則宜承祚襲
爵有福慶矣。章三裳裳者華或黃或白色半改矣。我
見之子乘其四馬皆駉六轡御焉鮮澤而沃若猶然
世家之儀從也。章四爾先君子功在先朝才全德備

左之則無不宜右之則無不有朝廷賴以夾輔生民
藉以維持唯其有功德是以積厚慶長子孫似之而
克肖也○裳作常重言者非一之辭響豫通樂也芸
通作耘與隕通氓之篇曰其黃而隕葉將落之色
裳裳者華四章章六句○朱子改北山至此十篇爲
北山之什

交交桑扈虎有鶯其羽君子樂胥受天之祜虎○交交
桑扈有鶯其領君子樂胥萬邦之屏○之屏之翰叶百
辟爲憲不戢不難叶受福不那羅○兕觥其觶叶酒思
柔彼交匪敖萬福來求

古序曰桑扈刺幽王也毛公曰君臣上下動無禮文
焉○朱子改爲天子燕諸侯之詩非也幽王沈湎于
酒比昵羣小上下之間無復禮儀故詩人刺之桑扈
小鳥一名竊脂爲貪饕無行之比然其羽毛猶有文
章可觀人而無禮儀則穿窬不如桑扈言喪失扈從
也○章一交交然羣飛之桑扈猶有鶯然文彩之羽可
以入而不如鳥乎君子爲禮法之宗上下相悅和而
有禮則受天之祐矣○章二交交桑扈有鶯然之領君
子于上下之交有禮以相樂則萬邦自爲之屏蔽矣
○章三萬邦爲屏以蔽之萬邦以輔之百辟諸侯皆以

天子爲憲稟奉王章敬慎之致福也豈不自斂戢豈不自畏難其受福豈不多乎不然欲人屏翰爲憲何可得矣○四章兕觥爲觥以戒爭也其形觥曲以訓恭也旣飲旨酒當思柔順惟酒亂性惟酒喪儀君臣燕會匪有傲慢則禮法立體統尊不求福而福來求矣○桑扈青雀食肉一名竊脂鶯文貌君子持幽王屏所以蔽也翰翰也百辟諸侯也憲法也戢斂也難慎也那多也觥上曲貌柔和也

桑扈四章章四句

鴛鴦于飛畢之羅之君子萬年福祿宜俄之○鴛鴦在

梁戢其左翼君子萬年宜其遐福○乘馬在廐救摧

劉之秣

叶木

叶昧

之君子萬年福祿艾

又

之○乘馬在廐秣

之推之君子萬年福祿綏雌之

古序曰鴛鴦刺幽王也毛公曰思古明王交於萬物

有道自奉養有節焉○朱子改爲諸侯答桑扈非也

古先聖王仁民之餘澤及于萬物取之不傷其類用

之不過其節飛鳥不喪羣廐馬不食粟騶虞所以歌

土仁而魚麗所以美富有也幽王暴虐水陸飛潛無

不盡取殺胎覆巢鳥亂于上剥膚取之而刈官用之

民窮財盡是以大亂故詩人思古明王而託鳥獸以

比也。毛云：交於萬物者，釋鴛鴦之義。鴛鴦，交匹之鳥。飛栖必雙，聖王愛物，不忍殘其偶，故以爲比。于飛，不弋宿也。畢羅，小網，不盡取也。在梁，戢翼，若其性也。廋馬秣，推食以時也。取之有道，則飛鳥不失羣，用之有節，則廋馬不妄費。爲盛世之鳥獸，猶得所而況於民乎？萬年福祿，頌古明王之辭。所思者遠，而所悲者深，是以爲刺。○章一鴛鴦，交鳥也。飛而自適，設畢羅以待之，不忍掩捕，恐離其偶也。君子仁恩及于飛鳥，其萬年享此福祿，不亦宜乎？○章二鴛鴦在漁梁之上，紋左翼以相依，天全性得，皆畢羅之所畱也。仁愛如君子。

萬年遐福宜矣○章三天閑之馬宜其飼之厚也今其在廄無事則摧之以芻有事乃秣之以粟制用有節愛養有方君子萬年享四海之奉而福祿養之宜矣○章四乘馬在廄或秣之或摧之節用則用恆足惜福則福方來君子萬年福祿綏安之宜矣○鴛鴦鳥名畢小綱有柄戢綬也凡鳥并栖一正一倒戢左翼以相依舒右翼以防外左不用而右便也摧剉草飼馬也粟飼馬曰秣艾養也

鴛鴦四章章四句○按風雅之序皆始於治中於亂終於思治故風終豳小雅終楚茨以下大雅終江漢

常武

有頍

窺上聲

者弁寶維伊何爾酒既旨爾殽既嘉叶豈伊

異人兄弟匪他

叶

焉

與女蘿施

異

于松柏

叶

未見君

子憂心奕奕既見君子庶幾說懌○有頍者弁寶維何

期爾酒既旨爾殽既時豈伊異人兄弟俱來叶焉與女

蘿施于松上

去

未見君子憂心怲怲

叶

既見君子庶幾

有臧

叶

○有頍者弁寶維在首爾酒既旨爾殽既臯府

豈伊異人兄弟甥舅

叶

如彼雨

遇

雪先集維霰

綠

死喪

無日無幾相見樂酒今夕君子維宴

古序曰頍弁諸公刺幽王也毛公曰暴戾無親不能

宴樂同姓親睦九族孤危將亡故作是詩也○朱子
改爲燕兄弟親戚之詩非也幽王驪山之禍將作矣
日與羣小酌于酒親族疎遠無由得關其忠文武盛
世鹿鳴樂嘉賓伐木宴朋友故忠言得上聞幽王以
兄弟爲路人危亡已至而深宮之飲不休故詩人借
飲酒以致顯見之情而非爲酒也末動以危言曰樂
酒今夕君子維宴如後世敵兵四合而帳中夜飲亡
國之慘千古一轍杜甫所謂東方漸高奈樂何者也
長歌可以代泣其類弁之謂乎○禮燕服皮弁弁
類然而覆首者何人乎王有旨酒有嘉殽此戴弁者

豈異人乃同姓之兄弟非他也如薦蘿施于松柏無
松柏是無薦蘿兄弟依王何以異此今不見王所憂
甚大非爲飲食也儻得旣見相與酬酢則忠言上達
而我心庶幾說懌矣○章二有頍者弁賓維何期爾有
旨酒又有嘉殽此戴弁者非他人乃兄弟也如薦蘿
與松柏相依爲命今不見王憂心怲怲儻旣見而効
其忠悃庶幾王能改圖爲善耳○章三有頍者弁賓維
在首爾酒旨殽多此戴弁者皆兄弟甥舅情相關也
今危亡已見如天將雨雪有細飛之霰先集則今夕
何夕死喪近矣而君子維怡然宴樂長夜之驩不輟

來朝之事未可知矣○頍戴弁覆額貌。蔦寄生也。蘿兔絲附物而生。奕奕大也。君子指幽王何期猶伊何也。期與思通。語辭時善也。怲怲猶奕奕。庶幾有臧。猶言庶曰式臧也。甥舅謂母姑姊妹妻之族。霰雪之似粒而稀者。

頍弁三章章十二句

開關車之牽

叶暗協

今思嬖季女逝

叶設

今匪飢匪渴德音

來括

各

雖無好友

叶以

式燕且喜○依彼平林有集維鵲

騎

辰彼碩女令德來教

交

式燕且譽好爾無射

叶刊

○雖

無旨酒式飲庶幾雖無嘉穀式食庶幾雖無德與女

汝

式歌且舞○陟彼高岡析其柞薪叶析其柞薪其葉湑

聲

上兮鮮我覯爾我心寫叶須兮○高山仰止景行

行杭

止四牡騑騑六轡如琴覯爾新婚以慰我心

古序曰車牽大夫刺幽王也毛公曰褒姒嫉妒無道
并進讒巧敗國德澤不加於民周人思得賢女以配
君子故作是詩也○朱子改爲燕樂其新婚之詩非
也雅詩皆君德時政新婚之歌何緣得入其曰高山
仰止景行行止明廷之法言非房中之艷曲也是時
褒姒專暱忠諫無路詩人思得賢媛以爲內助猶陳
風東門之池思淑姬也車牽以比民勞無好友無德

以諷幽王之不淑也禮王后車服飾以雉雉善雉曰
鵠平林集鵠褒姒淫暱之比無旨酒無嘉殽宮中沈
湎之比高岡柞薪淫女據中宮之比高山景行淑女
母儀天下之比○一間闢然艱難行歷者車之牽也
民之勞頓何以異此今思嬖好之少女駕此車往迎
非飢非渴望其德音來會而心如飢渴也雖無好友
爲配但得賢女勸相亦用燕安而喜樂矣○二依然
茂盛之平林有善雉之鵠宮壺之地豈可以處淫人
乎惟彼及時之碩女以令德來教誨是用燕安譽悅
愛爾未有厭射也○三今者之樂沈酣歌舞而已若

得碩女雖無旨酒飲亦樂也雖無嘉穀食亦樂也雖
無德配汝樂汝之有德亦歌舞也○四男女胖合如
彼析薪柞爲惡木祇可爲薪而生彼高岡其葉湑然
艷妻方煽猶是也惟彼碩女世所鮮有我得觀之易
柞薪而爲良木心憂亦傾寫矣○五山高則可仰若
彼崕嶠有愧爲山矣大道則可行若彼邪徑不可爲
道矣況微賤之女可母儀天下乎碩女令德可仰可
行備法駕以親迎用新婚以易舊特斯慰安我心耳
○閒關崎嶇勞碌之意牽車軸頭鐵德音善言也括
會也燕安也平林林茂則平也鵲雉類辰時也燕安

也譽豫通悅也無德與女無德配汝也柞櫟也惡木
景行大路也如琴猶如舞調和之意

車牽五章章六句

營營青蠅止于樊豈弟君子無信讒言○營營青蠅
止于棘讒人罔極交亂四國○營營青蠅止于榛讒
人罔極構我二人

古序曰青蠅大夫刺幽王也○營營然往來徵逐
之青蠅貪味遺毒無不朽敗讒人何異此今止于樊
籬將伺隙入几席也苟遇英斷之主自畏而遠去君
子豈弟何以防姦其必勿信讒言可乎○營營青

蠅止于棘棘所以爲防而有讒人窺伺乎外機詐叵
測煽惑人心而四國受交亂之害矣○三營營青蠅
止于榛榛可以爲贅而有讒人附入其內陰險不測
將離間我君臣成構結之禍矣○豈弟優柔意猶齊
子豈弟之豈弟微諷之辭二人謂聽讒與被讒者君
臣父子朋友皆是

青蠅三章章四句

賓之初筵左右秩秩

叶禮

邊豆有楚穀核維旅酒旣和旨

飲酒孔偕

叶已

鐘鼓旣設

叶失

舉疇逸逸大侯旣抗叶弓矢

斯張射夫旣同獻爾發功發彼有的

叶早

以祈爾爵○篇

舞笙鼓樂既和奏

上叶烝衍

看

烈祖以洽百禮

叶百禮

既至有壬有林錫爾純嘏子孫其湛

流

其湛曰樂各奏

爾能賓載手仇

救

室人入又酌彼康爵以奏爾時

叶○

賓之初筵溫溫其恭其未醉止威儀反反曰既醉止威

儀幡幡舍其坐遷屢舞僊僊其未醉止威儀抑抑曰既

醉止威儀忼忼

是

曰既醉不知其秩

○賓既醉止載

號載嘏

是

亂我邊豆列虞舞飲飲

是

曰既醉不知其

鄰側弁之俄屢舞僊僊既醉而出並受其福對醉

而不出是謂伐德飲酒孔嘉矧維其令儀○凡此飲

酒或醉或否

叶

既立之監或佐之史彼醉不臧不醉反

恥式勿從謂無俾大秦怠匪言勿言匪由勿語由醉之言俾出童毀古三爵不識矧敢多又叶

古序曰賓之初筵衛武公刺時也毛公曰幽王荒廢嬖近小人飲酒無度天下化之君臣上下沈湎淫液武公既入而作是詩也○朱子改爲衛武公飲酒悔過而作非也王朝有雅侯國有風諸侯飲酒自悔宜與衛風淇奧伍今在雅則王朝獻納之辭矣昔康叔封衛周公述武王之意作酒誥此詩亦以申揚祖訓欲幽王念武王思周公而孔子刪詩存此與書存酒誥正同所以爲雅序云刺時者武公之時卽幽王

之時武公爲王卿士不敢斥言刺王譎諫之義也○

章古人射則飲酒賓初卽席左右成序邊豆濟楚穀在豆核在籩陳設維旅酒旣和美飲者甚齊鐘鼓旣縣于越宿賓主舉酬于將射爵行往來逸逸有序乃抗大侯張弓矢射夫比耦呈獻發矢之功各思中以飲同耦此燕射飲酒有禮也○章古人祭祀用酒方其祭也執籥以舞有笙有鼓樂旣和奏進而樂乎烈祖樂與百禮合作大禮有壬小禮有林烈祖感格錫以純嘏也主人受嘏則旅酬交錯同姓子孫湛然和樂各奏勸酬之能異姓兄弟手自斟酒其子弟入

而更酌康和之爵互相勸酬以助時祭此祭祀飲酒
有禮也○章三今人飲酒則不然初筵溫溫謙恭未醉
之威儀反反却顧既醉則憺憺輕數矣離坐遷徙頻
數起舞僂僂然軒舉未醉猶抑抑謹慎既醉則怲怲
媒慢是曰既醉矣焉知秩序乎○章四賓既醉矣長號
謹叟亂我邊豆屢舞傲傾是曰既醉不知愆郵矣俄
側其在首之弁屢舞傴僂不止醉至于此退則與燕
者共幸不退則啟爭招禍是謂伐德耳飲酒所以甚
善唯其有令儀今若此其何能善乎○章五凡此飲酒
有醉者或有未醉者立之監以正其禮立之史以記

其過彼醉者醉矣使不醉者視醉者之狀以自恥勿
從醉者之所謂勿使昏然如醉者之太慢也不當言
者勿言不可由者勿語醉而妄言罰使出童毀穀豈
有童顛倒錯亂亦惟酒之故飲至三爵已無知識矣
況敢更多乎監史以此爲訓明者以醉爲鑒庶乎知
儆耳○天子諸侯選士而射謂之大射賓客燕飲而
射謂之賓射亦謂之燕射大射張皮侯而棲鵠賓射
張布侯而畫正大侯君侯選士與羣臣射肄張三
侯以尊卑爲遠近射夫兩人爲一耦天子六耦諸侯
四耦大夫三耦多者爲衆耦能正鵠也祈爾爵求爵

爾也不勝則罰以酒也。百禮猶言衆禮。祭祀自迎神至送尸禮多至百也。洽合也。作樂合禮也。禮大節曰壬。細目曰林。奏爾能卽旅酬逮賤之意。仇作斟。挹取酒也。室人賓子弟也。又復酌也。康安也。時時祭也。郵尤通過也。俄傾也。僊僊不正也。伐非害也。伐德猶言惡德。殺牡羊之大者。童未成羊也。殺有角而童尚未角童而殺卽大雅抑之篇云彼童而角實虹小子必無之物。醉語謬也。因醉者語以難之。賓之初筵五章章十四句。

毛詩原解卷二十三終